

V E N D I M
Nr. 361, datë 14.7.2000

**PËR SHPËRNDARJEN ME KOEFICIENT PJESORË TË VLERAVE FINANCIARE,
KREDITORËVE TË SHOQËRISË “SILVA”, SH.P.K., NË ADMINISTRIM, ME TË
ARDHURAT E REALIZUARA NGA SHITJA E ASETVE**

(Ndryshuar me vendimin nr. 522, datë 8.7.2005)

(I përditësuar)

Në mbështetje të nenit 100 të Kushtetutës, të nenit 6, të ligjit nr.8215, datë 9.5.1997, “Për kontrollin financiar të personave juridikë jobankarë, që kanë marrë hua nga publiku i gjerë”, dhe të neneve 3, 4 e 8 pika 3, të ligjit nr.8360, datë 10.6.1998, “Për kriteret dhe mënyrën e shpërndarjes së pasurive të personave juridikë jobankarë, që kanë marrë hua nga publiku i gjerë”, me propozimin e Kryeministrit, Këshilli i Ministrave

V E N D O S I:

1. Fillimin e kompensimit të pjesshëm të kreditorëve të shoqërisë “Silva”, sh.p.k., në administrim, me të ardhurat e realizuara nga shitja e aseteve në ankandet e shitjes publike me tender.

2. Shuma e detyrimit të mbetur që shoqëria “Silva”, sh.p.k., në administrim, ka ndaj kreditorëve është 3 232 496 204 lekë.

- Të ardhurat financiare të realizuara nga shitja e aseteve të shoqërisë “Silva” sh.p.k., në administrim, depozituar në bankë, së bashku me ato gjendje, kapin vlerën 640 milionë lekë.
- Koeficienti pjestor i kthimit të vlerave financiare kreditorëve është 20,15 për qind.

3. Ngarkohet Banka Kombëtare Tregtare me degët e saj në rrethet Vlorë e Tiranë, për shpërndarjen e vlerave financiare kreditorëve të shoqërisë “Silva”, sh.p.k., në administrim.

- Shpenzimet për shpërblimet, që do të kryhen në sportelet e *Bankes Kombëtare Tregtare* për kompensimin e vlerave financiare kreditorëve, përballohen nga zëri “shpenzime” i buxhetit të vitit 2000, i miratuar për Grupin e Mbikëqyrjes.

4. Administratorët e përbashkët të shoqërisë “Silva” sh.p.k., në administrim, të bashkërendojnë punën me Zyrat e Përmbarimit Gjyqësor, për arkëtimin e vlerave financiare nga personat fizikë e juridikë të shpallur debitorë, dhe nga personat që kanë përfituar vlerat financiare nga transaksionet e pronësisë, për realizimin, në një periudhë të dytë, të një rikompensimi tjetër.

5. Dokumentacioni financiar i veprimtarisë së huamarrjes së shoqërisë “Silva” sh.p.k., në administrim, t’i dorëzohen organit të prokurorisë, i cili në zbatim të Kodit të Procedurës Civile, të kërkojë në procesin gjyqësor ndaj ish administratorit, detyrim për kthim të shumave të pashlyera, sipas kontratave të kreditorëve.

6. Ngarkohen *Banka Kombëtare Tregtare*, Ministria e Financave, Ministria e Drejtësisë, Grupi i Mbikëqyrjes dhe administratorët e përbashkët të shoqërisë “Silva”, sh.p.k., në administrim, për ndjekjen dhe zbatimin e këtij vendimi.

Ky vendim hyn në fuqi me botimin në Fletoren Zyrtare.

KRYEMINISTRI
Ilir Meta